



UNIVERSITÄTS-  
BIBLIOTHEK  
PADERBORN

**Series Episcoporum Archiepiscoporum Et Electorum  
Moguntinorum, Trevirensium Et Coloniensium**

**Kolb, Gregor**

**Rottwilae, 1725**

**VD18 12054054**

Reflexio IX. Argvmentvm Historicvm V. Ex Hübnero Pro Primatu Romani  
Pontificis Sunt Supposita Male Fundata.

---

[urn:nbn:de:hbz:466:1-64326](#)

## REFLEXIO IX.

ARGVMENTVM HISTORICVM V, EX HÜB.  
NERO PRO PRIMATU ROMANI PONTIFICIS  
SUNT SUPPOSITA MALE FUNDATA.

**U**T Lector amicus amplius comprehendat totius rei cardinem, qui hoc vertitur loco, compendiō repetere lubet, quae in Serie Romanorum Pontificum & Imperatorum de Bonifacio III. & Phoca Imperatore uberiū sunt proposita.

Peritorum nemini obscurum est, Constantiū M. relicta Italiæ urbe prīncipe Constantinopolim erexisse extincto veteris urbis Byzantii nomine. An. 314. creatum esse Byzantii Episcopum ordine IV. Metrophanem nomine, testantur Cedrenus & Zonaras, quem Probi Imperatoris fratrem eorundem authorum affirmat posterior. Hunc ipsum Byzantium Episcopum Archipræsuli Heracleensis Ecclesiæ Episcoporum aliorum more ea etiam ætate fuisse subditum, passim traditur. Postquam verò urbs nova Romæ simillima tantum nacta est conditorem, quantus fuit Constantinus M.; postquam Concilia in Orientis Imperii urbis, & quidem Constantinopoli crebriūs fuerunt congregata; postquam Justinianus I. maximopere cœpit favere Episcopo Constantinopolitano contra Alexandrinum, & paulò pōst etiam Romanum; tunc enimvero primus, aut certè non ultimus ambitionis & Zizaniorum author multiplex identidem magis invaluit, ut Constantinopolis Patriarcha non modò Alexandriae Præsuli præsumperit imperare, sed ipsius etiam Romani Pontificis Imperium vix ullo in pretio habere amplius, quod de Joanne cognomento Jejunatore præsertim, Seculi VI. Constantinopolis Patriarcha neutiquam est dubium.

Hæc totius controversiæ Synopsis Auditoribus Orthodoxis est minimè ambigua; Scriptoribus verò Heterodoxis nimium

F f vide-

videtur anceps & dura in libris de Imperatorum & Pontificum Serie inscriptis; at in libris aliis, uti sunt Series Archiepiscoporum Germanicorum, vix non cum Catholicis sentiunt scriptorum & dictorum suorum parum memores. Argumenta autem, cur ita vacillent Scriptores iidem, sunt varia, aut verius non argumenta sed supposita sunt vanissima, quae idcirco aequo rerum arbitrio ante oculos pono, & ex Romanorum Serie repeato. Supponunt itaque

I. Imperatorum neminem ante Phocam in animum induisse suum, ut crederet, Romanum Pontificem jure vocatum fuisse Episcopum Oecumenicum.

II. Supponunt tanquam responsum Delphicum, Episcopum Constantinopolitanum non minus supremum Ecclesiae caput fuisse inter Graecos Episcopos, ac fuit inter Latinos Episcopos Romanus Pontifex.

III. Supponunt tanquam certae Historiae articulum, per sex Pontificum ac Imperatorum Secula, nec Gregorium M. nec ullum alium Romae Antistitem hoc usum fuisse nomine.

IV. Supponunt tanquam fidei regulam, Sexaginta primos inter Romanos Pontifices, usque ad Bonifacium III. nupsiam exercuisse in universam Ecclesiam ullam potestatem supremam.

V. Supponunt causam hanc omnium Archiepiscoporum & Episcoporum adversus Romanum Pontificem fuisse omnibus Patriarchis, Primatibus, Archiepiscopis, Episcopis per Orientem, imò per orbem universum communem, communissimam.

Quam verò infirma, vana & nullius profectò ponderis sint imaginaria hæcce supposita omnia, lubeat obsecro ex Reflexionibus hactenus omnibus colligere; & ritè intelligere ex C. Baronio, Bellarmino. Vid. etiam Series Roman. Pont. & Imperatorum.

RE.